

АҚТӨБЕ ҚАЛАСЫ БІЛІМ БӨЛІМІ
ЖШС «БОПАЙ» БАЛАБАҚШАСЫ



Бекітемін:

ЖШС «Бопай» балабақшасы

меңгерушісі: Жумашева Б.А.

Республика күніне орай
«Қыран елім-Қазақстан!» атты
мерекелік іс-шара

«Бәйтерек» пен «Жұлдыз» мектепалды топтары

Музыка жетекшісі: Бериккалиева А.Н.

Тәрбиешісі: Тәжикенова Г.Т.

Кабылова С.С.

Дуйсебаева Г.А.

«Мен Отанның бақытты ұлымын»

Құрметті ата - аналар, кішкене бүлдіршіндер және балабақша ұжымы!
Баршаңызды 25 қазан Республика күні мерекесімен «Жұлдыз» мектеп алды тобы атынан шын жүректен құттықтаймын! Баршаңызға отбасылық бақыт, дендеріңізге саулық, еңбектеріңізге жеміс, мерекелік шат көңіл тілеймін.

Жүргізуші:

Ақжайық, Алтай арасы
Қазақтың шалқар даласы
Республикама қарашы!
Жерімнің дәні маржандай
Қырманы асқар таулардай
Республикама қарашы!
Шолсаң да биік аспаннан
Қарқырар кені тастардан
Республикама қарашы!
Шырқаған сайын тірегі
Республикама қарашы!

I. Әнұран.

Құрметті қонақтар! Бүгінгі біздің 25 қазан Республика күніне арналған «Мен Отанның бақытты ұлымын!» қысқаша тақырыптық сағатын тамашалаңыздар.

II. Хор: «Егеменді Қазақстан»

Елші: Абілмансур:

- Өзі бұл жер қай ел екен, жөн сұрап білейін?!

Жүргізуші:

- Сәлеметсіз бе? Сіз кім боласыз? Қателеспесем, біздің елге басқа жақтан келгенсіз - ау деймін.

Абілмансур:

- Мен ел аралап жүрген елшімін. Сыңғырлаған балалардың күлкісін естіп, қай елдің бақытты балалары екенін білейін деп келдім.

Жүргізуші:

- Олай болса, қош келдіңіз! Қазір бізде 25 қазан Республика күніне арналған тақырыптық сағат өткелі жатыр. Балалардан сұрап біліңіз.

Елші: Абілмансур

- Сәлем, балалар! Сендер өте көңілді, әрі бақытты көрінесіңдер. Сендердің Отандарың, қасиетті мекендерің қай Республика?

Балалар:

- Қазақстан Республикасы.

Елші: Абілмансур

- Президент кім?

Балалар:

- Қасым-Жомарт Тоқаев Кемелұлы

Елші: Абілмансур

- Отандарыңның астанасы қай қала?

Балалар:

- Астана қаласы.

Елші: Абілмансур

- Елдеріңіз өзінің қандай қасиеттерімен айбатты?

Балалар:

- Әнұран, Туы, Елтаңбасымен.

Елші: Абілмансур

- Өте жақсы. Осы елдің бақытты ұл - қыздары екендеріңді қалай дәлелдейсіңдер?

Аймира:

Әнұраным, жан ұраным

Айтар әнім, сөйлер сөзім

Туған жерім сағынарым

Мәңгі - бақи шырқалады

Республикам, Әнұраным

Арсен:

Елтаңбасы елімнің

Неткен көркем, әдемі

Тұнығындай көңілдің

Ортада аспан әлемі.

Аруназ:

Жарасқан байрақтың мәні бар
Көк аспан, көк қыран сәні бар
Көк байрақ ашық көк кеңісін
Алтын күн – белгісі жеңістің.

III. Ән: «Ойнаймыз да күлеміз».

Жүргізуші:

- Балалар, сендер сүйікті Отанымыздың қасиетті белгілерін біледі екенсіңдер.
Онда Отан дегеніміз не?

Балалар:

- Отан дегеніміз біздің әке - шешеміз, туған туыстарымыз, ауыл
қалаларымыз, өзіміз туып - өскен жеріміз.

Ерасыл Т:

Отан – сенің ата - анаң,
Отан – досың, бауырың
Отан - өлкең, астанаң
Отан – аудан, ауылым

Айнара:

Отан – атам, Отан - әкем
Осы сөзім қате ме екен?
Қате болса неге біздер
Дейміз оны атамекен.

IV. Би. Армян биі. Бишілер тобы.

Жүргізуші:

- Балалар, халқымыздың батыр ұлы Бауыржан Момышұлы айтқан екен:
«Отан үшін отқа түс, күймейсің», - деп. Басқа да батыр ағаларымыз,
апаларымыз «Отан» деп жырлаған, қорғаған, қастерлеген және Отан үшін
өмірлерін қиған екен.

Біз де осы ата - апаларымыз сияқты Отанымызды қорғауымыз керек. Отан
үшін еңбек ету керек.

- Сендердің еңбектерің – сендердің жақсы оқығандарың, тәртіпті бала
болғандарың.

- Ал, балалар, біз Отан туралы нақыл сөздер білеміз бе?

V. Нақыл сөздер.

1. Отан – оттан да ыстық.
2. Ер жігіт ел үшін туады, ел үшін өледі.
3. Отан үшін отқа түс, күймейсің.
4. Өз елің алтын бесік.
5. Халқын сүйген, салтын сүйеді.
6. Туған жердің қадірін шетте жүргенде білерсің. **Аруназ**

VI. Ән. «Қошақан». Сағымбай Айым

VII. Көрініс: «Көк байрақтай, көк жиде»

Мансур ата - анасымен бірге Алматыға қайтып барады. «Ата бата берші», - деп атасынан бата сұрайды.

Али: Атасы: «Сұрасаң бата берейін

Үстем болсын мерейің

Ықыласпен қол жайсаң

Ақ тілепен төгейін

Жорытқанда жолың болсын,

Қыдыр ата жолдасың болсын, аумин!»

Содан кейін **Мансур** атасына қиыла қарайды.

Атасы: **(Али)**

- Бұйымтайың болса айта ғой, балам.

Мансур:

- Ата, сіздердің «Алтын тойларыңыздан» теберік әкетсем деп едім. Көп сыйлықтың ішінен бір көк көйлек ұнап қалды.

Атасы: **(Али)**

- Қалағаның сол болса несін аяймыз. Киім көп, қазір кимеспін.

- Тура Қазақстанның көк байрағы секілді көркем жиде өзі.

Мансур:

- «Ту желбіресе көңілім көтеріледі. Осы көйлекті атамды сағынғанда иіскеп күтіп киемін.

Али: (ата)

- Еліңе, жеріңе адал қызмет ет, балам. Өркенің өссін балам!

Мансур:

- Тәуелсіздікті қорғайтын ұрпақ біздерміз ғой. Туған өлкені, сіздерді өте жақсы көремін. Атамның көкпеңбек жидесін терең құрметпен қарайтын боламын.

VIII. Би. «Сұлу қыз».

Жүргізуші: Балалар, егер біз Отанымызды сүйетін болсақ, оның мемлекеттік тілін жақсы білуге міндеттіміз. Мемлекеттік тіліміз қай тіл?

Айша:

Ана тілің арың бұл,
Ұятың боп тұр бетте.
Өзге тілдің бәрін біл.
Өз тіліңді құрметте.

Асма:

Мен оның күнін сүйем,
Түнін сүйем.
Мен оның құдіретті
Тілін сүйем.

Медина:

Қазақстан халқының
Қазақ тілі тірегі
Ана тілінде айтылар
Әнұраны, жүрегі.

X. Ән. «Қуыршақ».

XI. Би. «Орыс биі». Бишілер тобы.

XII. Хор. «Отаным – Қазақстан!»

Елші: Абілмансур

- Құрметті ата - аналар, балабақша ұжымы бүгінгі мерекелеріңізбен құттықтай отырып, бүгінгі бақытты балаларға өзімнің кішкене ғана

сыйлығымды тапсыруға рұхсат етіңіздер. Қазақстанның болашағы гүлдей жайнай берсін!

Жүргізуші:

Мен қазақтың биікпін, байтақ елмін.

Қайта тудым өмірге қайта келдім

Мен мыңда бір тірілдім мәңгі өлмеске

Жаса – жаса мәңгіге туған елім.

Осыменен «Жұлдыз » мектеп алды тобының қысқаша тақырыптық сағатын аяқтаймыз. Көңіл қойып келгендеріңізге, ынта қойып тыңдағандарыңызға көпте - көп рахмет!



